

## 17.25 CUNTRASTS SIN SRF 1

---

### Verd enfin davos las ureglias



I vegn era verd questa primavaira. Baud u tard. Verd dapertut. La colur verda stat en il focus da quests Cuntrasts. La partida verda dal Grischun na vul però betg prosperar. Exista ella in summa anc? E pertge n'ha questa partida mai pudì fitgar pe en il Grischun? E co statti cun la conscienza verda da mintgin/a da nus? Essan nus spargnus cun nossas resursas u vivain nus plitost sur las lattas? Petra Rothmund ha fatg la prova ed ha perquai laschà far trais Grischuns in uschenumnà «footprint ecologic». La gasetta cun il logo verd procura actualmain plitost per chaus cotschens – La Quotidiana. L'editur Hanspeter Lebrument ha smanatschà dacurt da chalar d'edir la suletta gasetta dal di rumantscha, sch'i na dettia betg raps dal maun public. Nus avain perquai accompagnà durant in di da lavur il «davos Mohican» da La Quotidiana, il schefredactur Martin Cabalzar. E per finir in'observaziun divertenta: Ils chatschaders stattan mintg'onn a lajtg en bellas monduras verdas u grischas. Però atgnamain stuessan els ed ellas sa vestgir cotschen. Ruedi Bruderer mussa co che quai guardass ora.